

雜事秘辛

明 錢敬臣徐仁中何士鏞閱

建和元年四月丁亥保林吳姁以丙戌詔書下中宮侍超門朕聞河洲窈窕明辟恩服擇賢作儷隆代所先故大將軍乘氏忠侯商所遺少女有貞靜之德流聞禁掖其與姁並詣商第周視動止審悉幽隱其母諱匿朕將採焉姁卽與超以詔書趨詣商第第內謹譟食時商女女瑩從中閣細步到寢姁與超如詔書周視動止俱合法相超畱外舍姁以詔書如瑩燕處

屏斤接侍閉中閣子時日晷薄辰穿照蜃牕光送著
瑩面上如朝霞和雪艷射不能正視目波澄鮮眉嫵
連卷朱口皓齒脩耳懸鼻輔靨頤頷位置均適矧尋
脫瑩步搖伸髻度髮如黝髻可鑿圍手入盤墜地加
半握已乞緩私小結束瑩面發頰抵攔矧告瑩曰官
家重禮借見朽落緩此結束當加鞠翟耳瑩泣數行
下閉目轉面內向矧爲手緩捧著日光芳氣噴襲肌
理臙潔拊不畱手規前方後築脂刻玉胷乳菽發臍
容半寸許珠私處瓊起爲展兩股陰溝渥丹火齊齊

吐此守禮謹嚴處女也約略瑩體血足榮膚膚足飾
肉肉足冒骨長短合度自顛至底長七尺一寸肩廣
一尺六寸髻視肩廣減三寸自肩至指長各二尺七
寸指去掌四寸肖十竹萌削也髀至足長三尺二寸
足長八寸蹀躞豐妍底平指歛約縑迫袂收束微如
禁中又之不得音響矧令摧謝皇帝萬年瑩乃徐拜
稱皇帝萬年若微風振簫幽鳴可聽不痔不瘍無黑
子紉陷及口鼻腋私足諸過臣妾矧女賤愚慙言不
宣心書不符見謹秘緘昧死以聞時夜漏三下太后

猶御壽安殿發絨歡喜願語帝曰吾入宮後知有幼
姝然中外隔澗目所未見不謂爭遙如爾明日詔下
有司議禮有司奏曰謹按春秋迎王后于紀在途則
稱后故大將軍乘氏忠侯商女今大將軍參錄尚書
事乘氏侯冀女弟膺紹聖善舊協潛邸結婚之際有
命既集宜備禮章時進徵幣請下三公太常案禮儀
奏可一準孝惠皇帝納后故事於六月癸未皇帝制
詔大將軍參錄尚書事乘氏侯冀乾施坤受實始人
經不有配儷曷奉天地宗廟爰謀公卿咸謂宜率前

典今使使持節太常弘宗正千秋以禮納采主人曰
皇帝嘉命訪婚陋族備數采擇臣父故大將軍乘氏
忠侯商之遺女未聞訓誡衣履若而人欽承前典肅
奉儀制大將軍參錄尚書事乘氏冀上臣冀頓首再
拜承制乙酉皇帝制詔大將軍參錄尚書事乘氏侯
冀兩儀配儷承天統物正位于內必埃令族重申舊
典今使使持節太常弘宗正千秋以禮問名王人曰
皇帝嘉命使者弘到重宣中詔問臣名族臣女弟女
瑩父母所生先臣故九江太守定陵鄉侯統之遺立

孫先臣故褒親愍侯竦之曾孫先臣故少府特進乘氏侯雍之孫先臣故大將軍乘氏忠侯商之遺女外出自先臣故侍中鮑陽侯萬全之外曾孫之臣故大鴻臚鮑陽侯桂之外孫年十六欽承前典肅奉儀制戊子皇帝制詔大將軍參錄尚書事乘氏侯冀人謀龜從僉曰貞吉敬從典禮今使使持節太常弘宗正千秋以禮納吉主人曰皇帝嘉命使者弘重宣中詔太卜元吉臣陋族卑鄙憂懼不勝欽承前典肅奉儀制辛卯皇帝制詔大將軍參錄尚書事乘氏侯冀之

女弟有母儀之德竊窈之姿如山如河宜奉宗廟承天祚以黃金二萬斤馬十二匹玄纁黻璧以章典禮今使使持節司徒戒太常弘以禮納徵主人曰皇帝嘉命降婚卑陋崇以上公寵以典禮備物典策欽承前典肅奉儀制甲午皇帝制詔大將軍參錄尚書事乘氏侯冀謀于公卿大筮元龜罔有不臧率遵典禮今使使持節太常弘宗正千秋以禮請期主人曰皇帝嘉命使弘重宣中詔吉日惟今月庚子可迎臣欽承前典肅奉儀制庚子皇帝制詔大將軍參錄尚

書事乘氏侯冀歲吉月令吉日惟庚子率禮以迎今使使持節太尉喬司徒戒以迎主人曰皇帝嘉命使者喬重宣中詔令月吉辰備禮以迎上公宗卿兼至副介近臣百兩臣蟻蟻之族猥承大禮憂悚惶悸欽承前典肅奉儀制后服紺上玄下假髻步搖八雀九華十二鑊加以翡翠朱鳥袿乘法駕重翟羽蓋金根車駕青交路青帷裳纁畫軒黃金塗五末蓋蚤施金萃駕駟馬龍旂九旂大將軍妻參乘太僕妻御車府令設鹵薄屬車四十六乘前鸞旗車皮軒鳳皇闕戟

九旒雲罕金鉦黃鉞洛陽令奉引公卿五官校尉司隸校尉河南尹妻皆乘其官車帶夫本官綬以從置虎賁羽林騎戎頭黃門鼓吹五時副車女騎夾轍執法御史在前五將導騎千乘萬騎引至闕下自皇漢迎后未有若斯之盛也至八月乙未詔曰維建和元年八月乙未制詔故大將軍乘氏忠侯商女女瑩朕聞任姒佐周綿運八百良以德重黃床足奉宗廟也朕以寡昧承嗣歷服爰求英淑共臨海內惟爾風聞內戒德冠後庭有天桃之宜協和鳴之祥宜升尊位

母儀天下今使太尉喬使持節奉璽綬宗正千秋爲
副立爾爲皇后其敬慎中饋以踐乃位無替朕命永
奠坤維后即位于章德殿太尉使持節奉璽綬天子
臨軒陛設虎賁旄頭五牛旗百官陪位皇后北面太
尉往蓋下東向宗正大長秋西向宗正讀策文畢皇
后稱臣妾皇帝萬年畢住位太尉喬授璽綬中常侍
起長跪受璽綬奏于殿前女史授婕妤好婕妤好長跪受
以授昭儀昭儀長跪受以帶皇后皇后伏起拜稱臣
妾皇帝萬年訖黃門鼓吹三通鳴鼓畢羣臣以次出

后即位大赦天下

漢雜事一卷得於安寧州土知州董氏前有義烏
王子充印蓋子充使雲南時篋中書也然御覽諸
書亦有漢雜事而略不見收此特載漢桓帝懿獻
梁皇后被選及六禮冊立事而吳勅入后燕處審
視一段最爲奇艷但太穢褻耳不謂冀威赫震人
猶得瀆撰如此卷首有秘辛二字不可解要是卷
帙甲乙各日子嘗搜考弓足原始不得及見約繖
迫秣收束微如禁中語則纏足後漢已自有之言

脫於口追駟不及聊志於此用塞疎漏之誚成都
楊慎

按桓帝初爲蠶吾侯梁太后欲以女弟女瑩妻之
徵至京師會質帝崩因立之其明年立女瑩爲后
袁宏後漢紀范曄書帝后兩紀李固傳竝詳之后
紀有司請徵引春秋在途稱后正謂前曾結婚也
不應復下詔審視卽具故事詔中亦應畧及之今
第三云貞靜之德流聞禁掖何也又劉昭禮儀志注
云漢立皇后國禮之大而志無其儀取蔡質所記

靈帝立宋后儀以備闕此書較多審視及六禮節
次又在宋后前宜卿注志舊稱博悉不應舍此引
彼卽位儀亦與注多同雖用脩復生不能判此疑
案也癸卯人日胡震亨識

予始讀漢雜事目誠情搖謂非漢人不能作及見
孝轅跋語駭引詳駁抵牾灼然乃更發書檢校復
得可疑者數則按雜事所載立后儀竝同宋后固
無論卽后服所稱紺上玄下八雀九華皆廟見所
著若十二鏡是親蠶飾不宜于大婚之時合併而

服也且鹵簿大駕與劉昭親蠶注不爽眉髮而六禮版辭亦見沈約宋書宋書云晉穆帝將納何后太常王彪之謂六禮宜依漢舊今考雜事及晉版辭一則曰欽承舊章肅奉典制一則曰欽承前典肅奉儀制此豈彪之所云華嶠改定而有異同邪禮使有太常弘不知爲誰其曰中常侍超單超也曰司徒戒趙戒也注曰蜀郡人曰太尉喬杜喬也但梁冀初欲厚禮納徵喬執不從冀遂于是年十一月殺喬朝廷時時寧敢拂冀遣喬爲使至于宗

正于秋惟安帝時有劉千秋爲宗正去此幾四十年不應尚居此官未復有大赦天下語則建和元年八月乙未立后之下曾無此文雖此年十一月有減天下死罪一等語然與立后絕不相蒙當是仍襲宋后舊文耳惟以后生年推之用合商妻陰夫人所卒之年則后生于永建五年陰卒于陽嘉四年是生六歲而母始喪也于理稍不肯戾又后紀注曰乘馬四匹馬也雜事乃云馬十二匹更檢晉志云漢高后制聘后黃金二百斤馬十二匹此

則雜事較有所據足補悉依孝惠皇帝納后故事
注余因念作偽者必非不讀漢書何至自開彙寶
如此且審識一段描寫精瑩若有生氣似非假託
可到恐秘記史官各有依據未可指爲贗作也海
鹽姚士彝叔祥跋

自古以文字類寫娟麗無過衛詩之美莊姜其他
若宋玉之嫉光眇眇目增波郭舍人之齧妃女脣
甘如飴唐玄宗之軟溫新剝雞頭肉杜樊川之纖
纖玉笋裹輕雲之數語皆妙於形容亦足寫一時

之艷然未有庠畫幽隱言人所不忍言若秘辛之
搖人心目也且自如瑩燕處度髮解衣以至幽鳴
可聽其間兩人周旋景光雖去今千百餘年猶歷
歷如眼見而耳聞之也至其造語若拊不啻手築
指刻玉臂乳菽發火齊欲吐之類咸此嫗率率口
創有後來含毫所不敢望者何得橫索同異相與
疑之叔祥孝轅證據博矣然非所以語于文章之
妙也繡水沈上龍識



國家圖書館, NATIONAL CENTRAL LIBRARY, TAIWAN, R.O.C.

